



Conradus, Salthouer dictus, pietate & doctrina suo tempore nulli secundus extitit. Unde Theologiae Doctor creatus legendo, scribendo, & disputando omnibus innotuit. Hinc factum cum Verdenſis ſedes uacaret, ut in eius loci episcopum eligeretur. quam functionem magna diligentia obiuit. Cum autem plurimos libros ſcriberet, atque inter alios librum de Trinitate, in quo ſacerdotum aliquot errores notarat apud pontificem accusatus, atque Romam citatus fuit. Itaque ſua conſcientia fretus comparuit, atque ſeſe coram pontifice & cardinalium ſenatu excuſauit. Itaque magna laude iterum ſuae eccleſiae reſtitutus, orando & pie

uiuendo caeteris exemplo fuit. Erat is eccleſiae negotijs contentus, atque ciuilia alijs adminiſtranda reliquit. tandem cum magna gloria ſuae eccleſiae praefuiſſet, anno milleſimo quadringenteſimo ſeptimo uitam cum morte commutauit. Anon. Crantz.